

in pertinacibus doloribus ischiadicis & aliis. Ad reuulsionem quidem, cum ceruici vel occipiti, vel pone aures applicantur, ad humores, qui è capite ad anteriores partes faciei feruntur, reuellendos. Ad deriuationem vero & euacuationem, cum in bubonibus vel carbunculis pestilentialibus parti inferiori è directo adhibentur, ad materiæ virulentæ euacuationem, vt si bubo fuerit in inguine, cruri vesicatorium applicandum.

De Pyroticis siue Cauteriis potentialibus.

C A P. LXIII.

K *Αυσιακά Φάρμακα*, adurentia medicamenta: eadem & *ἰσχυρατικά*, quod crustam paribus vstis inducant. Dicitur etiam *καυτήριον*, quod vrendi vim habeat, & vsurpatur tam pro medicamento, quod potestate vrit, quam pro ferro candente.

Cauteria duplicia sunt; alia actualia, alia potentialia. Potentialia, Græcis pyrotica, quod ignis instar adurant, Latinis ruptoria, eo, quod putrefaciendo, & etiam adurendo cutim frangant, & post se crustam relinquunt. Materia horum multiplex est: magna tamen ex parte ex lixiuio, ex quo sapo fit, conficiuntur, in qua aqua calx viua maceratur, vitreolum, sublimatum, auripigmentum, alumen, sal nitrum & similia. Paratur vulgo hoc pacto:

℞. Aq. stillatitia ex calce & cinere, ex qua fiunt sapes nigri q. s. indatur vasi vitreato, bulliant,